

**ZAPISNIK SA 4. SJEDNICE UO-a SAMOSTALNOG SINDIKATA RADNIKA u BHRT-u,  
održane 29. 04. 2015. godine**

**Prisutni:** D. Smital; N. Arnautović; N. Čordalija; M. Džihanić; Dž. Kahrlica; M. Baručija; N. Hodžić; T. Maličbegović; M. Grbo; E. Čengiće; B. Hamzagić; G. Brkić; N. Vrgoč; A. Teskeredžić; N. Žuga; M. Tufo

**Odsutni:** D. Maksimović; A. Kolar; S. Topalić; M. Muratović;

Predloženi dnevni red, uz izmjenu redosljeda i dodavanja tačaka jednoglasno je usvojen i glasi:

Dnevni red:

1. Analiza zapisnika sa prošlih sjednica
2. Aktuelna situacija u BHRT-u (izvještaj sa menadžmentom 08.04.'15. i sastanaka iz ITC-a B.Luka i Bihać)
3. Prijedlog Poslovnika o radu UO-a Sindikata
4. Izbor advokata
5. Članske iskaznice i stanje članstva
6. Energopetrol
7. Razno
  - Bazen – ponuda
  - WEB Stranica
  - Terme

**AD 1** Zapisnici sa prošlih sjednica su uz manje izmjene/dodatke usvojeni sa 1 suzdržanim glasom.

**AD 2** Delegacija je informisala prisutne o posjeti ITC-ima 21. – 22.04.'15. godine, gdje je istaknuto da su članovi upoznati sa radom Sindikata, ugovorima, Pravilnicima i drugim aktivnostima, kao i sa problemima u istim. Članovi UO su upoznati da kolege traže sastanak šefova ITC-a sa generalnim direktorom, a tražiće se da na sastanku budu prisutni E. Šurković i M. Jovičić.

Takođe je na prijedlog D. Smitala dogovoreno da se iskoristi prisustvo članova i dogovori formiranje podružnice ITC-a.

Dogovoreno je da se članovima Sindikata plate dnevnice i gorivo, eventualno i spavanje, a što se tiče predstavnika iz Mostara, Sindikat nije dužan finansirati ništa jer nije član SSR u BHRT-u.

N. Vrgoč je informisala prisutne da je umjesto D. Maksimovića koji je napustio SSR u BHRT-u, od strane kolega iz ITC-a Banja Luka, za člana UO predložena Zorica Vujmilović kao njihov predstavnik. Za ovu informaciju je dogovoreno da se UO odredi nakon usvajanja Poslovnika o radu UO SSR u BHRT-u.

Predstavnici Sindikata su informisali prisutne o sastanku sa menadžmentom 21.4.'15. godine, na kojem je rečeno da će biti plata 24. ili 27.4.'15. jer se čeka uplata sredstava.

Na ovom sastanku je generalni direktor predložio da se organizuje Press konferencija sa menadžmentom i oba sindikata a u vezi naplate rtv takse i zahtjeva o formiranju Parlamentarne komisije za izmjenu zakona o javnom RTV Sistemu i javnom RTV Servisu

M. Tufo je predložio da se sa direktorom utvrdi tema za press konferenciju, a N. Čordalija je predložio da ispred sindikata bude S. Topalić, jer je novinar i zna se snaći za konkretne odgovore.

Na prijedlog E.Čengiće dogovoreno je i da se zatraži snimanje sastanaka sa drugim sindikatom i gen. direktorom oko dogovora za press konferenciju i da se upozna UO o konačnom dogovoru. Nakon duge rasprave po pitanju održavanja press konferencije sa direktorom i drugim sindikatima, D. Smital je dao prijedlog da se prisustvuje press konferenciji na glasanje, glasalo je **14 ZA i 2 SUZDRŽANA**.

**AD 3** Za ovu tačku nije bilo kvoruma, pa je dogovoreno da se primjedbe dostave na e-mail adrese članova kako bi se iste uvrstile u predloženi Poslovnik.

D. Smital je rekao da će za idući sastanak napraviti prijedlog Pravilnika o organizaciji, i isti dostaviti e-mailom članovima.

UPRAVNI ODBOR  
SAMOSTALNOG SINDIKATA RADNIKA U BHRT-u